

12.0 RAKAN PENDAMPING SISWA (RPS)

12.1 Unit Rakan Pendamping Siswa (Rps)

Sepanjang tahun 2007, Unit Rakan Pendamping Siswa (RPS) yang juga berfungsi sebagai Sekretariat Rakan Pendamping Siswa (RPS) telah melaksanakan aktiviti-aktiviti seperti yang telah disusun dan digariskan dalam pembentukan Program Rakan Pendamping Siswa (RPS) oleh pihak Pengurusan Universiti. Seperti yang umum diketahui dua pendekatan yang dipraktikkan dalam pelaksanaan program ini iaitu:

1). Program Rakan Pendamping Siswa (RPS) –

- di peringkat Pusat-Pusat Pengajian Kejuruteraan.

2). Kursus Wajib Universiti (The Pillars)

- Peringkat Universiti (yang dikenali sebagai 3 Pillars dan 7 Pillars)

12.2 Program Rakan Pendamping Siswa (Rps)

Dalam pelaksanaan Program Rakan Pendamping Siswa ini, para mahasiswa UniMAP ketika mahasiswa-mahasiswa ini berada di Tahun 1 (Sem 1) telah diagih kan dan diberikan kumpulan masing-masing berdasarkan kepada Pusat-Pusat Pengajian Kejuruteraan di UniMAP. Setiap kumpulan yang telah dibentuk ini akan dibimbing oleh seorang Tenaga Pengajar Akademik (Pensyarah/Tutor/PLV) dan kumpulan ini akan kekal sehingga para mahasiswa ini menamatkan pengajian di UniMAP.

Sekali imbas kaedah bagi pengendalian setiap kumpulan ini hampir mirip seperti Sistem Penasihat Akademik (PA) tetapi apa yang menariknya dalam pelaksanaan sistem RPS ini, ianya memberikan penekanan terhadap pembinaan dan pembentukan Kemahiran Insaniah (Softskills) oleh pembimbing kepada mahasiswa UniMAP dalam kumpulan di bawah kendaliannya.

Bagi Kemasukan Mahasiswa Baru UniMAP Pengambilan sesi 2007/2008, kumpulan RPS bagi setiap Pusat Pengajian Kejuruteraan yang telah dibentuk adalah seperti butiran berikut:

Bil	Pusat Pengajian Kejuruteraan	Bil Kumpulan RPS (Kumpulan)	Bilangan. Mahasiswa (Orang)
1	Alam Sekitar	11	65
2	Bahan	9	148
3	Bioproses	9	54
4	Komputer & Perhubungan	10	138
5	Mekatronik	18	280
6	Mikroelektronik	14	154
7	Pembuatan	16	129
8	Sistem Elektrik	9	159
	Jumlah	96	1,127

Jadual :

Bilangan Kumpulan RPS yang telah dibentuk mengikut PPK pada pengambilan sesi 2007/2008

12.3 Kursus Wajib Universiti (The Pillars)

Sepanjang tahun 2007, Kursus Wajib Universiti (The Pillars) yang telah dilaksanakan adalah :

Bil	Aktiviti Kursus Wajib Universiti	Bil Kumpulan RPS (Kumpulan)
2.1.	Kursus Bina Negara Asas Mahasiswa (KBNAM) / Biro Tata Negara (BTN)	11 – 15 Julai 2007
2.2.	Program Bersama Komuniti – Program Bakti Siswa Perdana Negeri Perlis 2007	20 – 22 Julai 2007
2.3.	Program Wacana Sosial (Bagi Mahasiswa Diploma)	3 Ogos 2007
2.4.	Bengkel Kepimpinan InTra	18 – 19 November 2007

12.4 Laporan Aktiviti Kursus Wajib Universiti (The Pillars)

12.4.1 Kursus Bina Negara Asas Mahasiswa (KBNAM) / Biro Tata Negara (BTN).

Anjuran:

Unit Latihan & Pembangunan Mahasiswa, Jabatan Hal Ehwal Pelajar dan Alumni dengan kerjasama Biro Tata Negara.

Tarikh:

- i). 11 Julai 2007 - Sesi Ceramah Kenegaraan
- ii). 12 – 15 Julai 2007 - Sesi Latihan Dalam Kumpulan (LDK) di Kem-Kem Biro Tata Negara (BTN)

Tempat:

- i). 11 Julai 2007 - Dewan Kapitol, Kangar, Perlis
- ii). 12 – 15 Julai 2007 - Kem-Kem Biro Tata Negara (BTN):
6 Kem.:
 - a). Kem Ulu Sepri, Negeri Sembilan.
 - b). Kem Balik Pulau, Pulau Pinang.
 - c). Kem Kulim, Kedah.
 - d). Kem Naka, Kedah
 - e). Kem Langkawi, Pulau Langkawi.
 - f). Kem Kaki Bukit, Perlis

Penglibatan:

Seramai 1,017 orang mahasiswa baru UniMAP dari 16 buah Program Pengajian Ijazah dan 8 buah Program Pengajian Diploma. Kesemua mahasiswa ini merupakan mahasiswa-mahasiswa kemasukan Sesi Akademik 2007/2008. Kesemua mahasiswa-mahasiswa ini melibatkan kesemua 8 buah Pusat Pengajian Kejuruteraan (PPK) di UniMAP.

Agihan Peserta mengikut Kem-Kem adalah seperti berikut:

1. Kem Ulu Sepri, Negeri Sembilan

- Peserta : 1. Mahasiswa Lelaki dan Perempuan PPK Mikroelektronik
2. Mahasiswa Lelaki dan Perempuan PPK Sistem Elektronik

2. Kem Balik Pulau, Pulau Pinang

- Peserta : 1. Mahasiswa Lelaki dan Perempuan Program Pengajian Diploma
2. Mahasiswa Perempuan PPK Mekatronik

3. Kem Kulim, Kedah

- Peserta : Mahasiswa Lelaki dan Perempuan PPK Bahan

4. Kem Naka, Kedah

- Peserta : Mahasiswa Lelaki PPK Mekatronik


5. Kem Langkawi, Pulau Langkawi, Kedah

- Peserta : 1. Mahasiswa Lelaki dan Perempuan PPK Komputer & Perhubungan
2. Mahasiswa Perempuan PPK Pembuatan


6. Kem Kaki Bukit

- Peserta : 1. Mahasiswa Lelaki PPK Pembuatan
2. Mahasiswa Lelaki dan Perempuan PPK Alam Sekitar
3. Mahasiswa Lelaki dan Perempuan PPK Bioproses

Carta Pai : Peratusan Kehadiran Mahasiswa Kemasukan Sesi 2007/2008 ke Program BTN



Carta Pai : Peratusan Kehadiran Mahasiswa Ke Program BTN mengikut Program Pengajian Ijazah



12.4.2 Program Baktisiswa Perdana Negeri Perlis 2007.

Anjuran:

Universiti Malaysia Perlis (UniMAP) dengan kerjasama Pejabat Menteri Besar dan Kerajaan Negeri Perlis serta Jabatan Belia dan Sukan Negeri Perlis

Tarikh:

20 – 22 Julai 2007

Tempat:

23 Buah Kampung di dalam 13 Dewan Undangan Negeri (DUN) Perlis

Penglibatan:

Seramai 926 orang mahasiswa baru UniMAP dari 16 buah Program Pengajian Ijazah dan 8 buah Program Pengajian Diploma. Kesemua mahasiswa ini merupakan mahasiswa-mahasiswa kemasukan Sesi Akademik 2007/2008. Kesemua mahasiswa-mahasiswa ini melibatkan kesemua 8 buah Pusat Pengajian Kejuruteraan (PPK) di UniMAP dan seramai 460 buah keluarga angkat di seluruh negeri Perlis.

Program Baktisiswa Perdana Negeri Perlis 2007 ini merupakan cetusan idea dari Y. Bhg. Dato' Naib Canselor UniMAP yang mahu melihat mahasiswa/i di UniMAP yang datang dari pelbagai lapisan masyarakat di seluruh Malaysia ini berupaya untuk menyesuaikan diri dengan persekitaran baru mereka sepanjang para mahasiswa ini menuntut di UniMAP terutamanya di negeri Perlis. Bersesuaian dengan keadaan para mahasiswa UniMAP ini yang baru sahaja selesai mengikuti Kem Biro Tata Negara (BTN) dan baru mendaftar di UniMAP, diharapkan agar melalui penerokaan program sebegini akan dapat memperkasakan lagi nilai jati diri dalam diri mahasiswa UniMAP dan turut memberikan ruang kepada para mahasiswa ini untuk berbakti kepada masyarakat. Melihatkan program ini mirip kepada program berbentuk bersama komuniti, Y. Bhg. Dato' Naib Canselor telah bersetuju untuk memberikan "Bonus" kepada semua mahasiswa pengambilan sesi 2007/2008 yang terbabit dalam program Bakti Siswa Perdana ini dengan mengisytiharkan ianya sebagai Program ke-3 dalam Kursus Wajib Universiti (The Pillars).


Untuk menjayakan program tersebut, semua mahasiswa-mahasiswa baru UniMAP ini telah diagihkan kepada 24 buah kampung yang telah dikenalpasti akan menjadi tempat program Bakti Siswa ini akan berlangsung. Kampung-kampung tersebut adalah:

- | | |
|------------------------------------|-------------------------------|
| 1. Felda Rimba Mas. | 13. Kampung Padang Nyaring |
| 2. Kampung Sena Luar | 14. Kampung Seberang To' Pi |
| 3. Lubuk Sireh | 15. Kampung Bahagia |
| 4. Kampung Paya Kelubi | 16. Kampung Seriab |
| 5. Kampung Baru Panggas | 17. Kampung Padang Siding |
| 6. Kampung Padang Melaka | 18. Kampung Padang Besar |
| 7. Kampung Simpang 3 Dato' Kayaman | 19. Kampung Surau |
| 8. Taman Haji Ali | 20. Kampung Pulau |
| 9. Kampung Pondok | 21. Kampung Kuala Sungai Baru |
| 10. Kampung Bongkok | 22. Kampung Bongor Kudong |
| 11. Kampung Santan Utara | 23. Kampung Simpang Sanglang |
| 12. Kampung Sena | 24. Kampung Padang Cina |

Majlis Perasmian Program Bakti Siswa Perdana Negeri Perlis 2007 ini telah diadakan pada 20 Julai 2007 bertempat di Dewan 2020, Kangar. Majlis ini telah dirasmikan oleh Y. B Dato' Seri Dr. Shahidan bin Kassim, Menteri Besar Perlis. Majlis ini turut dihadiri oleh Y.B Dato' Mustapa bin Mohamed, Menteri Pengajian Tinggi Malaysia dan Y.Bhg. Kol. Prof. Dato' Dr. Kamarudin bin Hussin, Naib Canselor, UniMAP. Semua ketua kampung yang terbabit dalam program Bakti Siswa ini.

Antara aktiviti-aktiviti yang telah berlangsung sepanjang Program Bakti Siswa Perdana ini berlangsung adalah Ceramah Kekeluargaan, Bengkel Motivasi, Sukan dan Program Gotong Royong. Program Bakti Siswa Perdana ini juga turut diisytiharkan telah mencatat rekod dalam Book of Malaysian Record di atas penglibatan keluarga angkat terbesar dalam program ini.

Carta : Pecahan Peserta Program Bakti Siswa Perdana mengikut Program Pengajian



12.4.3 Program Wacana Sosial – AIDS dan HIV

Kelolaan:

Pusat Pengajian Kejuruteraan Bioproses,
 Pusat Pengajian Kejuruteraan Komputer & Perhubungan
 Pusat Pengajian Kejuruteraan Sistem Elektrik

Tarikh:

3 Ogos 2007

Tempat:


Dewan Kapitol, Kangar, Perlis

Penglibatan:


Seramai 254 orang mahasiswa dari 6 Program Pengajian Diploma Tahun 2 dan 691 orang mahasiswa dari 16 buah Program Pengajian Ijazah.

Program Wacana Sosial yang dianjurkan pada ini merupakan aktiviti Kursus Wajib Universiti yang diadakan khusus untuk mahasiswa-mahasiswa Program Diploma Tahun 2. Ini adalah disebabkan Program Wacana Sosial yang diadakan sebelum ini hanya diperuntukan untuk mahasiswa Program Pengajian Ijazah. Walaubagaimanapun program ini, turut dihadiri oleh mahasiswa-mahasiswa Program Pengajian Ijazah. Tema bagi penganjuran program Wacana Sosial kali ini adalah berkaitan dengan AIDS dan HIV. Ceramah berkaitan dengan AIDS dan HIV ini telah disampaikan oleh Dr. Hazri Awang Besar dari Hospital Tuanku Fauziah, Kangar, Perlis.

Carta : Peratusan Kehadiran Mahasiswa ke Program Wacana Sosial



Carta : Pecahan Kehadiran Mahasiswa mengikut Program Pengajian Diploma ke Program Wacana Sosial



12.4.4 Bengkel Kepimpinan Latihan Industri (Intra) 2007

Kelolaan:

Pusat Pengajian Kejuruteraan Bahan
Pusat Kerjasama Industri (CIC)
Dengan kerjasama INTEAM UniMAP

Tarikh:

18 – 19 November 2007

Tempat:


Dewan Kapitol, Kangar, Perlis

Penglibatan:

Seramai 894 orang mahasiswa tahun 3 yang akan mengikuti Latihan Industri

Bengkel yang diadakan selama 2 hari ini adalah bertujuan untuk mempersiapkan para mahasiswa tahun 3 UniMAP yang akan menjalani Latihan Industri (LI). Pengisian bagi bengkel ini melibatkan ceramah dan forum. Untuk itu, wakil-wakil daripada pihak industri turut diundang bagi menjayakan bengkel ini. Antara wakil-wakil industri yang dijemput adalah Infieon Technologies (Kulim) Sdn Bhd, Spansion (Penang & Kuala Lumpur) Sdn Bhd dan beberapa wakil industri yang lain. Di akhir bengkel ini, semua mahasiswa yang akan menjalani Latihan Industri telah diberikan Log Book dan dokumen-dokumen yang berkaitan sepanjang menjalani latihan industri.

Carta Pai : Peratusan Kehadiran Mahasiswa Ke Program Intra mengikut Pusat-Pusat Pengajian Kejuruteraan (PPK)



Walaupun bagaimanapun terdapat 4 buah aktiviti Kursus Wajib Universiti (The Pillars) yang terpaksa ditunda pelaksanaannya ke tahun 2008. Aktiviti-aktiviti tersebut adalah :

Bil Aktiviti Kursus Wajib Universiti

1.	Program Mahasiswa Bersama Masyarakat /Aktiviti Lasak / Program Jalan Kaki
2.	Program Bersama Komuniti – Bagi Mahasiswa-mahasiswa Tahun 2)
3.	Kursus Kemahiran Komunikasi
4.	Kursus Etika Sosial

Antara faktor-faktor yang telah dikenalpasti menyebabkan penundaan aktiviti-aktiviti ini adalah:

1. Kurangnya persiapan rapi oleh pengelola.
2. Banyak aktiviti-aktiviti rasmi lain yang berlangsung di UniMAP. (yang melibatkan Mahasiswa dan Kakitangan Universiti)
3. Tempoh semester pengajian terutamanya Semester kedua yang pendek.

